

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ՍԱՐԴԱՍԻՐԱԿԱՆ ՕԳՆՈՒԹՅԱՆ ԿԵՆՏՐՈՆԱԿԱՆ ՀԱՆՁՆԱԺՈՂՈՎ

ЦЕНТРАЛЬНАЯ КОМИССИЯ
ПРАВИТЕЛЬСТВА РЕСПУБЛИКИ АРМЕНИЯ
ПО ГУМАНИТАРНОЙ ПОМОЩИ

CENTRAL COMMISSION ON HUMANITARIAN
ASSISTANCE OF THE GOVERNMENT
OF THE REPUBLIC OF ARMENIA

Երևան-10, Հանրապետության հր., Կառավարական տուն
Հեռ. 525832, 528753, Fax. 528572, E-mail. hac@gov.am

«09» 06 2001թ.

№ 177-358

Հայաստանի Հանրապետությունում մարդասիրական
օգնության և բարեգործական ծրագրեր
իրականացնող կազմակերպություններին

Բարեգործական կազմակերպությունների կողմից բեռների ներմուծման և բաշխման
ծրագրերի վերաբերյալ ՀՀ կառավարության մարդասիրական օգնության կենտրոնական
հանձնաժողովի ըննարկմանը ներկայացվող հայտերի ուսումնասիրությունը ցույց է տալիս,
որ հայտերում ոչ միշտ են ներկայացվում բավարար տեղեկություններ բեռների
պարունակության և բաշխման ծրագրի մանրամասների մասին: Անհրաժեշտ
տեղեկությունները ժամանակին և պահանջվող ծավալով չեն ներկայացվելու հետևանքով
ծգծովում է հանձնաժողովի կողմից առանձին հայտերի վերաբերյալ որոշման ընդունման
գործընթացը:

Բացի դրանից, մի շարք կազմակերպությունների կողմից սահմանված ժամկետներում
և պահանջվող ծավալով չեն ներկայացվում ՀՀ կառավարության 2000թ. սեպտեմբերի 28-ի
N 594 որոշմամբ սահմանված ծրագրերի կատարման ընթացքի մասին եռամսյակային և
ամփոփ տեղեկությունները:

Հաշվի առնելով վերը նշված հանգամանքը, ինչպես նաև բարեգործական բեռների
ներմուծման և բաշխման գործընթացը կանոնակարգելու նպատակով առաջարկում ենք ՀՀ
կառավարության մարդասիրական օգնության կենտրոնական հանձնաժողով ներկայացվող
հայտերում մանրամասն և սպառիչ տեղեկություններ ներկայացնել

- ներմուծվող բեռների պարունակության,
- շահառուների ընտրության,
- ծրագրի իրականացման ժամկետների,
- կազմակերպություններում բեռների մուտքագրման և հաշվառման,
- բաշխման գործընթացի վերահսկման,
- ծրագրի իրականացման ընթացքում պետական կառավարման և տեղական
ինքնաշահավարման մարմինների հետ համագործակցության և ծրագրի
իրականացման հետ կապված այլ հարցերի վերաբերյալ:

Նշված հարցերի մասին հայտում սպառիչ տեղեկությունների բացակայության
դեպքում հանձնաժողովը հնարավորություն չի ունենա որոշում ընդունել ծրագիրը որակելու
մասին: -

Հարկ ենք համարում նշել, որ հանձնաժողովի կողմից որակված ծրագրերի
իրականացման մասին եռամսյակային և ամփոփ տեղեկություններն պետք է ներկայացնել
սահմանված ժամկետներում: Այդ կապակցությամբ անհրաժեշտ ենք համարում հիշեցնել, որ
ՀՀ կառավարության 2000թ. սեպտեմբերի 28-ի N594 որոշման 6-րդ կետով սահմանված է, որ
նշված տեղեկությունները չտրամադրելու կամ ծրագրի նպատակները չիրականացվելու
դեպքում ՀՀ կառավարության մարդասիրական օգնության կենտրոնական հանձնաժողովը
իրավասու է փոփոխելու կամ կասեցնելու ծրագիրը մարդասիրական օգնության կամ
բարեգործական որակելու մասին իր որոշումը:

ՀՀ կառավարության մարդասիրական օգնության կենտրոնական հանձնաժողովի
անունից հայտնում են մեր պատրաստակամությունը նպատակային և արդյունավետ
բարեգործական ծրագրերի իրականացման նպատակով Ձեր կազմակերպության հետ
համագործակցելու հարցում:

ՆԱԽԱԳԱՀ

Վ. ՄՈՎՍԻՍՅԱՆ